

觀自在菩薩出現本身施所求願乃至得見
無量壽佛多聞增長證宿命智所生之處不
離佛法具大富貴乃至獲得不退轉地佛說
是經已普賢菩薩摩訶薩及諸菩薩聲聞等
一切會衆聞佛所說皆大歡喜信受奉行

疏二

十

觀自在菩薩母陀羅尼經

佛說戒香經

宋三藏法師法賢奉詔譯

如是我聞一時佛在舍衛國祇樹給孤獨園
與大比丘衆俱爾時尊者阿難來詣佛所到
已頭面禮足合掌恭敬而白佛言世尊我有
少疑欲當啓問唯願世尊爲我解說我見世
間有三種香所謂根香花香子香此三種香
徧一切處有風而聞無風亦聞其香云何爾
時世尊告尊者阿難勿作是言謂此三種之
香徧一切處有風而聞無風亦聞此三種香

有風無風徧一切處而非得聞阿難汝今欲聞普徧香者應當諦聽爲汝宣說阿難白佛言世尊我今樂聞唯願宣說佛告阿難有風無風香徧十方者世間若有近事男近事女持佛淨戒行諸善法謂不殺不盜不婬不妄及不飲酒是近事男近事女如是戒香徧聞十方而彼十方咸皆稱讚而作是言於某城中有如是近事男女持佛淨戒行諸善法謂不殺不盜不婬不妄及不飲酒等具此戒法是人獲如是之香有風無風徧聞十方咸皆

稱讚而得愛敬爾時世尊而說頌曰

世間所有諸花果 乃至沉檀龍麝香
如是等香非徧聞 唯聞戒香徧一切
栴檀鬱金與蘇合 優鉢羅弁摩隸花
如是諸妙花香中 唯有戒香而最上
所有世間沉檀等 深二 其香微少非徧聞
若人持佛淨戒香 諸天普聞皆愛敬
如是具足清淨戒 乃至常行諸善法
是人能解世間縛 所有諸魔常遠離
爾時尊者阿難及比丘衆聞佛語已歡喜信

